

bantur, per ministros, qui Apparitorum nomen habebant, & quos Nicephorus appellat, *carnifexes sanguinarios*, ad columnam ligabantur. Reo autem ad columnam alligato primus ad flagellandum erat Tribunus, seu Dux cohortis, qui vix tantum attingebat damnatum; quod ubi factum erat, omnes, qui in castris inveniebantur, cædentes fustibus damnatum conficiebant. Unde Paulus de Palatio in cap. 27. Matth. pro certo tenet, Jesum a cohortis Tribuno prius fuisse percussum; post quam percussionem omnes, qui in castris erant, percusserunt, licet Christum non confererint. Et videtur quoque ex illo Joannis 19. colligi: *Tunc ergo apprehendit Pilatus Jesum, & flagellavit;* ad quæ verba testatur Beda, primum flagellorum istum a Pilato fuisse peractum. *Primitus ipse Pilatus flagellavit, post militibus tradidit illudendum;* verba sunt Bedæ in Joann. c. 6.

Ex quibus apparet, quod qui Christum flagellis confecerunt, ministri fuerunt, non Romanorum, sed Judæorum, ut dictum est; quum milites id tantum ex munere ad pompam peregerint, ministri vero ex officio, ex odio, ex saevitia, pene ad mortem. Natalis ab Alexandro in Euangelium Joannis c. 19. scribit, Pilatum flagellasse Christum per lictores suos, quos quidem lictores fuisse Pilati milites asserit: *Apprehendit Pilatus Jesum, & flagellavit, per lictores suos, seu milites prætorianos.* Possamus non incongrue sua verba explicare secundum ordinem, nuper a nobis ex Gellio enarratum. Scilicet, quod prima flagella a militibus, ulteriora a ministris Judæorum, darentur. Quomodo autem milites prætorianos lictores nominet, si lictores militæ honore privati dicebantur, non est facile interpretari. Nisi velit inferiores exercitus milites lictores